



新疆吐魯番廳鄉土志



書	
號	
冊	一
登錄	93072

新疆吐魯番鄯善縣志



新疆吐魯番廳鄉土志



鄭康成注周禮採用漢法凡制度禮器載於祕府故書者遠代而難稽復據拾民間傳寫不同之今書以稍况蓋耳所常聞目所常見其事近其言足信也論地則考司空郡國輿圖論戶口則核鄉籍戶版八月案此而造書下至京州烏翅南郡雀羽中山釀東海鱗伊雜素質曰鞏江淮青質曰搖籃稽象斗之蘇段紘之製康成皆以目驗知之其見諸問荅者後編為知志漢承周後多得古法康成囊括大不遺鄉閭瑣屑事偉然成一代儒宗嗚呼盛矣我朝銳意興學京師設編書局飭各直省府廳州縣采輯鄉土志

新疆吐魯番廳鄉土志

一

以為小學課本是即周禮師氏三德三行保氏六藝六儀之法其政教禁令受之司徒退而頒於鄉吏三年大比興賢選能若舉孝廉合聚而尊寵之今世畢業授官群艷其名曰新學其實皆周官古制也火州僻處荒裔向無志乘及私家著述可資考證又兵燹後文牘散佚殆盡炳燠下車伊始簿書餘暇間循行鄉社呼二三耆老席地共語詢諸風土推表山川地廣俗雜大率愚悍慮然田地肥美掘井灌澆有黍麥梁菽蒲桃草棉果菰之饒氣候炎歊食物常足故咎竊偷生而鮮蓄聚妄務大略隨筆記載積兩月書成文獻所難徵者輒訪鄉里近事以實之亦猶康成注

禮以今况古之意云尔光緒丁未夏五吐魯番廳同知曾炳燠謹撰

新疆吐魯番廳鄉土志

歷史

吐魯番廳在漢為車師前王庭車師服屬匈奴漢屢征之武帝天漢二年以匈奴降者介和王為開陵侯引兵擊車師不利征和四年再遣開陵侯台六國兵擊之遂臣於漢昭帝時匈奴後田車師宣帝立遣五將軍擊匈奴田者驚玄車師王烏貴立遮漢道地節二年遣鄭吉等攻車師交河城破之得其王單于乃立兜莫^高車師王收民東徙漢益遣士屯焉元康二年

新疆吐魯番廳鄉土志

二

匈奴擊車師田者田卒少不能守立車師故太子單就為王徙其衆渠犂地歸匈奴王莽時匈奴大擊北邊西域瓦解明帝永平十六年漢取伊吾前王內屬又降北虜十七年竇固被白山戎擊降後部前部亦降和帝永元二年遣子入侍三年置戊巳校尉居前部高昌壁八年王尉卑大為後部所攻虜其妻子九年長史王林斬後部王涿鞮前部事漢愈謹安帝延光中班勇為西域長史屯柳中又名柳營本狐胡萬國魏仍置戊巳校尉晉初車師王居交河而高昌為校尉治成帝咸和初前涼張駿置西域長史而戊巳校尉趙員不附擊禽之以其地為高昌郡立田地縣校尉營觀

魏孝武太元以後苻秦加車師前部王弥寔為平西
將軍西域都護並置高昌太守後涼北京皆因之北
魏太武帝延和中以焉耆東部帥車伊洛為前部王
涼州人闕爽自為高昌太守太平真君初北京亡沮
渠無諱跳據鄯善而伊吾土唐契為蠕蠕所逼亦擁
眾西走白力城乃白棘之訛遣弟和攻高昌闕爽詐
降於諱欲令與唐契相擊契為蠕蠕攻殺爽拒無諱
無諱將衛興奴宋書作衛察屠其城爽奔蠕蠕無諱留高
昌奉表於宋文帝拜為西夷校尉涼州刺史河西王
高昌有王自此始真君五年無諱死弟安周代屯橫
截城唐和攻拔之又克高寧疑即高昌白力二城表狀於

新疆吐魯番廳鄉土志

三

魏世祖詔和與車伊洛從屬度歸討焉耆伊洛留子
歇守城安周乘隙引蠕蠕圍歇陷之真君十一年伊
洛收遺民奔焉耆車師前部至是亡唐和亦自焉耆
歸魏越十載蠕蠕滅安周立闕伯周為高昌王太和
初伯周之子相仇殺為高車王可至羅元和志作阿伏至羅所
滅立張孟明為王國人殺之立馬儒二十一年儒欲
東從伊吾其下不願復弑之而立麴嘉兩臣於蠕蠕
高車兼貢中國正先中子堅立西魏大統中子元嘉
周書作元喜立恭帝二年以田地公茂嗣位隋初嘉六世
孫伯雅立突厥所攻令變法從突厥大業中裴矩往
敦煌遣使說伯雅來朝封并國公尚宗女華容公主

歸蕃後下令國中解辦刑祗取悅場帝然伯雅又臣於鐵勒實不敢改也其國有四十六鎮交河田地高寧臨川橫截柳婆麥林新興由寧始昌篤進白刀南雅南等皆其鎮名也書據梁唐武德初伯雅死子文泰嗣貞觀四年入朝尋阻貢道助西突厥擊焉耆十四年命侯君集等討之文泰降死子智感降太宗欲列為州縣魏徵諫不納置西州初號西昌州一領五縣高昌柳中交河天山蒲昌見新唐書尋升安西都護府歲調千兵謫罪人以戍諸邊不省二十一從都護於龜茲高宗永徽初都護還治高昌顯慶三年移都護治龜茲改置西州都督府開元中曰金山都督府並置天

新疆吐魯番廳鄉土志

山軍天寶元年改交河郡乾元元年後為西州德宗貞元六年吐蕃陷北庭節度使楊襲古奔西州為回紇所殺西州固守無援久之亦陷於吐蕃宣宗大中時吐蕃衰弱號稱收復懿宗咸通七年回鶻大猶僕固俊自北庭取西州西州回鶻旋分三部回和州回鶻曰阿薩蘭回鶻曰高昌均服屬於遼兼貢於宋於高昌王并有北庭蓋渚部推高昌為渠也後西遼又封吐谷渾之裔畏兀兒於交河其酋曰月仙帖木兒人亦都護號王傳子巴而朮阿而朮的斤西遼主遣使監其國巴而朮阿而朮殺之而降於元太祖使尚公主亦作輝和爾國伊都呼時高昌阿薩蘭並存尋并

八畏兀兒三傳為大赤哈爾的斤至元十二年都哇
被火州從屯於哈密力旋為北軍所殺於是政令歸
朝廷至元中所設官有霍州一作和州火畏兀按察
司鎮北庭都護府和州宣慰司仁宗封紐林的斤為
高昌王三尚公主還火州復立畏兀兒城池傳子帖
木兒補化泰定初召入朝元末分為柳城火州吐魯
番三部皆設萬戶府達魯死赤明初仍舊稱萬戶正
統後并於吐魯番其首居安樂城自稱速檀亦僭王
屢破哈密瓜沙犯肅州嘉靖之季兄弟相爭勢漸衰
弱隆慶初稱速檀者四人國初吐魯番有五種部落
見東順治二年遣都督瑪薩朗琥伯峯等入貢稱蘇

新疆吐魯番廳鄉土志

五

勒檀阿布勒阿哈默特阿濟汗六年其黨哈什克伽
助逆回丁國棟為亂遣兵斬之絕其貢使十年後叩
關請貢十二年用葉爾羌酋名悔罪乞貢納之定貢
期五年一至康熙十二年貢表稱馮木特賽伊特汗
署一千八十二年用回教紀元也二十年表稱阿布
勒穆咱帕爾蘇勒檀瑪哈瑪特額敏巴圖爾哈什汗
二十五年表稱臣成吉思汗裔承蘇賚滿漢業此蓋
由蒙回變之證五十九年敬秩大臣阿喇衲擊破齊
克塔木降皮澤城吐魯番之阿克蘇爾坦及總管沙
克扎柏爾率眾迎降則有頭目阿濟斯和卓走策妄
阿喇布坦所明年率眾來脇吐魯番數千戶從喀

喇沙爾脫歸千餘戶聚魯克齊穆推托瑪木特為首
拒準夷遣使內附請逆將軍富寧安益阿瑪納兵四
千往守九月準夷二千來擊卻之授阿喇衲為協理
將軍令興屯焉雍正元年都統穆森代之三年策妄
阿喇布坦乞和求得吐魯番地纏回願內徙者六百
五十餘戶四年安置金塔寺威虜堡者地仍以托克
托瑪木特為長留魯克沁者尚萬數以阿渾額敏和
卓為長五年吐魯番回目白斤伯克請入貢只以我
師難於庇護聽自不强其歸順八年寧遠大將軍岳
鐘琪以已意遣官往購糧啟敵豐九年三月準夷侵
吐魯番護理大將軍四川提督紀成斌令總兵樊廷

新疆吐魯番廳鄉土志

率二千人往援賊遁師旋四月賊圍魯克沁額敏和
卓力守四旬不下後攻哈喇和卓因衆拒斬五百級
岳鐘琪令總兵張元佐曹勳等以二千人往賊遁七
月又來侵副將王廷瑞擊走之十年夏噶爾丹策凌
遣宰桑額爾克得松攻喀喇和卓參將劉廷炎戰卻
之九月護理大將軍事副將軍張廣泗奏吐魯番防
兵八千五百人分駐七邑請從兵氏聚居魯谷慶哈
喇火州皮禪洋海以便防範十月封額敏和卓為札
薩克輔國公從其民萬餘戶於崇禎納於十一年後
從之瓜州乾隆二十年額敏和卓定在伊寧加封
國公時吐魯番遺民千四百余戶有伯克莽噶里克

昔偕其弟以戶籍迎降於定西將軍永常所同時定
北將軍班第奏吐魯番舊酋莽噶爾為元太祖裔今
在喀喇沙爾應遣歸廷臣恐與額敏和卓不相安寢
其議二十一年額敏和卓奏吐魯番不復有蒙古裔
瓜因願歸故土從之莽噶里克請祝額敏和卓滿旗
遂詔封公爵割吐魯番西境自伊拉里克至阿斯塔
克與之尋貳於巴雅額敏和卓拒賊固守加封子二
十二年安西都督傅魁進軍鹽池莽噶里克恨準夷
誅求無厭讎十人迎降魁欲邀功擅殺之以擊斬告
事覺誅魁宥莽噶里克妻孥其地統屬額敏和卓加
貝勒品級吐魯番舊作上名明年從清逆將軍雅爾

新疆吐魯番廳鄉土志

哈善討霍集占授多羅貝勒兼參贊大臣克庫車加
郡王品級二十四年從定邊將軍兆惠討平葉爾羌
晉封郡王留葉爾羌辦事設闡展辦事大臣及同知
二十六年威虜堡回民西歸以千戶加如拉百戶伊
明和卓為五品伯克其莽噶里克等屬戶亦分設伯
領之皆隸闡展大臣轄二十七年免吐魯番納糧以
喀喇和卓托克遜屯田給回民業四十二年額敏和
卓卒次子素齊瑪襲四十四年以罪削爵弟伊斯堪
達爾嗣改闡展辦事大臣為吐魯番領隊大臣移同
知都司來駐四十六年築廣安城五十三年詔吐魯
番世襲封爵不必降等又四傳至阿克伊都司同治

二二年在葉爾羌禦賊被執是年夏庫車叛首伊薩克和卓東竄漢裝回響應領隊大臣榮慶死之尋為迪化漢裝回所擄九年二月安集延伯夏胡什伯克率衆數萬後仇揚言助中國討賊八月迪化賊酋遣馬仲乞和後劫怕夏營夏忽擊破吐魯番諸城殺迪化賊党殆盡築新堡以降者馬人得等守之時哈密大臣文麟景廉齎諭怕夏納土而怕夏已西還矣光緒二年怕夏次子海古拉守托克遜陝回白彥虎降於怕夏助守吐魯番種族不一陽合陰離纏回不堪安夷之虐咸願歸順三年三月統領湘軍劉錦棠討平之年以阿克拉伊都之子瑪木時襲郡王十年重

新疆吐魯番廳鄉土志

八

隋漢城罷領隊大臣以同知及遊擊治之廳治原隸甘肅回城及闢展長城各設巡檢十二及隸新疆二十九年升闢展巡檢為縣改名鄯善為吐魯番廳屬邑焉

按吐魯番之番纏回呼若潘乾隆時此邦人從烏什者以其故鄉之名名烏什曰圖爾瑪瑪即潘字之對音也蓋西州於晚唐為吐蕃所據疑其時呼為吐蕃城音轉為吐魯番耳近人以蒙語回語釋之非探本之論唐書吐蕃傳之蕃字亦當讀為潘吐蕃故因漢人呼為西藏番俗不知此號惟自呼

曰圖伯特或曰條拜提曰退擺特歐洲人呼為替卑得其伯字拜字摆字卑字皆番字轉音亦即蕃當讀番之證也又按漢地志魯國蕃縣應劭曰音皮師古曰土俗各有別稱不依本字此又蕃字不必讀方煩切之證也

政績

吐魯番古稱南路腴區兵燹後河道枯竭原隰龍鱗半論瀚海舊雖開有坎井而地方遼濶灌溉難因道光間雲貴總督林則徐因洋務遣戍在廳西五百十里之托克遜及伊拉里克等處修濬河道廣溉民田加開坎井以輔河水之不足前伊犁將軍彥泰奏增

新疆吐魯番廳鄉土志

九

新賊二十萬兩有奇惜其功未告蕨而賊額巴加多焉同時有著司黃冕者亦遣戍來此大興伊拉水利至今父老感懷往事細述殊勞猶深以林黃當日未竟其事為憾此外官斯土者雖不乏人而於興利除害聽訟諸大端遠者既無實蹟可稽近者又無奇異足錄故政蹟闕為

兵事

西域控天下上游而吐魯番實南疆門戶自來西羌北狄互為要結其取道率在葱河蒲海間而九鎮三邊卒以次疊被其害漢開西域都府以斷右臂而匈奴勢孤唐執置北庭節鎮以席上腴而突厥形弱我

朝準夷橫踞回逆負嵎高宗統皇帝嚴除準回兩部
設重藩於伊犁葉爾羌而後邊度息烽燧之警者幾
二百載咸同間逆回金相邱勾結安集延頭目尙古
相同時煽亂關內白彥禿應之同治三年土回馬濟
等焚掠東四城烏魯木齊都統平瑞聞警發兵往至
蘇巴什盡殲於賊而烏垣亦亂逆回竄援吐魯番領
隊大臣榮慶守禦十余日會纏回皆變城遂陷逆酋
阿古伯狡能用衆收諸部餘燼自稱和碩伯克吐
魯番闢展以西土皆應之號為帕夏帕夏者伯克轉
語也十二年十月都統景廉擬三路歸取烏垣尅張
曜由天山趨吐魯番光緒二年六月大軍克復烏垣

新疆吐魯番廳鄉土志

十

是時帕夏踞托克遜三城白彥禿余小禿以敗往待
之甚倨令率其衆傍三城而左宗棠檄張曜嵩武軍
道奇騰木向闢展徐占彪蜀軍出木壘河與張曜夾
攻吐魯番二年三月丁巳朔大軍並趨吐魯番七克
騰木者吐魯番門戶也賊築壘拒守議先攻之癸亥
會軍四面凌城賊奪門出奔闢展乙丑乘勝攻闢展
賊望風遁安逆闢展名集闢展賊踞魯克沁勝金台
諸處欲併吐魯番守賊致死一戰戎長連克魯克沁
勝金台會軍喀喇和卓城東己巳師至吐魯番城外
十余里賊列陣拒守適劉錦棠遣湘軍自北路至合
攻之遂會克滿漢兩城釋本城纏回萬餘令復業按

賊竄北路以南路之達坂城托克遜為總要賊竄東
路以西路關展七克騰木益池為總要吐城既克劉
錦棠以三月壬戌克達坂城時帕夏次子海古拉守
托克遜丁卯錦棠自達坂西南進搗托克遜戍長抵
小草湖大隊長驅而追賊棄城走遂後托克遜城初
帕夏聞北路已平知官軍必下南路與白逆移達坂
新城於兩山間堅厚異常以大通哈守之大道哈者
猶華言大總管也又以次子海古拉據守托克遜扼
南路總隘亦築兩城相犄角而自居喀喇沙爾左右
策應以拒官軍吐魯番舊有兩城尚完固海古拉又
曰役萬夫堅築王府固自謂有恃無恐也乃官軍一

新疆吐魯番廳鄉土志

十一

鼓而下達坂乘勝進攻自度不支白彥兜即棄吐魯
番海古拉即棄托克遜蒼黃西遁莫敢支吾宗棠以
南八城門戶洞開應即振旅長征以清絕漠令孫金
彪留吐魯番加意拊循其同知巡檢等官均刊木負
鈴印達員攝理厥後全疆者定大功成置省設官興
養立教化獲祿為耕墾易鱗介而冠裳北枕祁連南
瞰益澤吾民其慶有幾乎

書舊

回族性與人殊初不識名教溯常之大經數百年撫
綏培養顯知嚶嚶兩風然名教雖通文明未啟事業
學問罕無可稱同治三年逆回竄後廳治領隊大臣

美虞守禦旬日卒以民變滅陷殉難於此亦未建有
專祠至名宦鄉賢向為廳治所未有故與耆舊均闕
人題

廳治自安集延酋帕夏父子竄斃後餘黨皆與白彥
完竄入俄境靡有分遺收撫後本地纏回及漢裝回
以次復業外有漢民奉車服賈流寓此間更無他族
逼處

戶口

老漢戶男口三百四十九女口二百四十八
南漢戶男口六百四十三女口五百九十
新漢戶男口二千二百五十五女口二千一十九

新疆吐魯番廳鄉土志

東鄉

勝金戶男口八百九十六女口七百一十
三堡戶男口一千五百九十女口一千四百六十五
二堡戶男口二千六十六女口一千七百四十五
海洋戶男口六百三十女口五百八十
南鄉
東坎爾戶男一千二百一十女口一千一百八
雅爾巴什戶男口一千二百九十一女口一千一百
六十
一工戶男口四百七十五女口四百一十六
四寧工戶男口五百四十七女口三百九十九

須工戶男一千三百二十女口一千二百四十

西鄉

雅爾滿戶男口一千八百二十五女口一千六百七

十七

雅爾木什戶男口四百三十九女口四百三十五

托克遜戶男口一千七百五十三女口一千七百三

十

伊拉里戶男口二千一百八十六女口一千九百四

十五

庫木什戶男口二千三十三女口十

北鄉

新疆吐魯番廳鄉土志

三

榆林工戶男口一百七女口九十三

蕭葛溝戶男口六百三十六女口六百六

沙河子戶男口五百五十五女口五百一十六

木須溝戶男四百四十九女口四百二十二

以上城關四鄉共戶口四萬三百一十七

氏族

廳治向原回部屢遭兵燹轉徙無常光緒初戡定全
疆雖廣示招徠復我邦族而漢萊承墾未必皆尔宅
尔因間有漢民流寓者均係懋遷而非土著故無氏
族可稽

宗教

憲治回部本阿刺伯種世處回疆就其自教之典言之祖曰阿丹生於天方之野傳至喇撒其教始興又六百年當隋開皇中有摩哈麥者又名穆罕默特生於麥加性最敏少為商娶富商之寡而致富維時泰西諸國耶蘇盛行思別創教門以自異造天經一部自謂受之天者回族翕然從之其教規有所謂為天道者五人事者五七日一禮拜亦與泰西各國同其原本出於天主耶蘇而時雜以佛氏之說所別異者禁食豕耳唐高祖武德四年摩哈麥逃難於麥地拿從者愈衆即以是年為元紀今回教稱一年幾百幾十年本此號曰回部不入教者率衆攻之遂獲阿喇伯全土即條支國西域稱摩

新疆吐魯番縣鄉土志

哈麥為派罕巴爾猶華言天使也其苗裔稱和卓木猶華言聖裔也麥加為摩哈麥生處地有黑石作大殿周里許麥地拿為其葬處每歲回回來兩地禮拜近者數千里遠數萬里橐金裡銖接踵而至者以萬計習之既久信之愈深傳之亦愈廣初猶禿頭圓領聚族回疆繼且闌入玉門蓄髮易服以羣於漢蓋五細之數里無地無回然雜處中國千數百年婚姻未通俗尚各別傳習不同而未嘗敢萌他志歷代任其翔泳區宇之內譏禁無聞我朝錄其人材準其仕進而辭處閩外者又復為之興養立教曲盡官師父母之心以示無外亦謂彼即非我族類但能遵我教

服我田疇輸將我賦稅是夷狄也而進於中國矣安
得以其教之不同而岐視哉

實業

廳治世屬回部語言文字均與漢殊從未講求實業
開省後廣設義學擇子弟中之秀良者示以漢文教
之讀誦以期用夏變夷而一傳眾林驟難馴其野性
經數十年之誘掖獎勵風氣猶未大開惟土物心臧
頗知自食其力故為士者少為農者多為工商者亦
十之一二焉

地理

廳在省治東南五百里 東至京師七千九百三十

新疆吐魯番廳鄉土志

十五

里 東界鄯善縣 東南界甘肅敦煌縣 南界羅
布淖爾 西南界庫卓州 西界焉耆府西北界迪
化縣 北界阜康縣 東北界奇台縣
城內

廳署一

遊擊營署一

官電分局一

稅務分局一

萬壽宮一

文廟一

武廟一